



Broj: 15-03-16-5-11-28/26  
Dana: 13.3.2026. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 8. stav (1) tačka b) Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencija za identifikaciona dokumenta, evidenciju i razmjenu podataka Bosne i Hercegovine donosi

## O D L U K U o izboru najpovoljnijeg ponuđača

### Član 1.

Najpovoljniji ponuđač u postupku javne nabavke nabavke **održavanja elektromehaničke opreme – kompresorskih agregata – LOT 1 – održavanje kompresorskog agregata ATLAS COPCO**, objavljen na Portalu javnih nabavki Bosne i Hercegovine, Obavještenje o nabavci broj 1110-7-2-8-3-53/26 od 11.2.2026. godine, a koji je proveden konkurentskim zahtjevom za dostavljanje ponuda, je **G&T inženjering d.o.o. Banja Luka**, sa ukupnom cijenom ponude od **5.511,36 KM bez PDV-a, što iznosi 6.448,29 KM sa PDV-om**.

### Član 2.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

### Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

## O b r a z l o ž e n j e

Nakon provedenih aktivnosti, Komisija za provođenje postupka javne nabavke **održavanja elektromehaničke opreme – kompresorskih agregata** je konstatovala da je rok za prijem ponuda bio 25.2.2026. godine do 10:00 sati, te da je do navedenog roka na pisarnicu Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla jedna (1) ponuda i to ponuda ponuđača G&T inženjering d.o.o. Banja Luka. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-11-17/26 od 10.3.2026. godine, u kojem su detaljno obrazloženi razlozi za izbor najpovoljnijeg ponuđača.

Komisija je daljom analizom utvrdila da je ponuđač kvalifikovan, te da je njegova ponuda prihvatljiva, jer su svi traženi dokazi propisani tenderskom dokumentacijom dostavljeni na propisan način. Komisija je prilikom pregleda ponude uočila da je u obrascu za cijenu ponude u napomenama Agencije u odnosu na ostale dijelove tenderske dokumentacije došlo do zamjene iznosa materijala i usluga. Međutim, imajući u vidu da tom zamjenom nije došlo do prekoračenja maksimalno dozvoljenih iznosa predviđenih tehničkom specifikacijom, ostalim dijelovima tenderske dokumentacije i zahtjevom predlagača nabavke, Komisija je konstatujući tehničku grešku u pripremi obrasca za cijenu ponude, ponudu ocijenila kao pravilnu i prihvatljivu.



Analizom ponude, u postupku sa kriterijumom najniža cijena, Komisija je utvrdila da je ponuda ponuđača G&T inženjering d.o.o. Banja Luka, sa ukupnom cijenom ponude od **5.511,36 KM bez PDV-a, što iznosi 6.448,29 KM sa PDV-om**, jedina i najpovoljnija, te s obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru ovog ponuđača za najpovoljnijeg.

Na osnovu prijedloga Komisije odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od pet (5) dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

---

DIREKTOR

Prof. dr. Almir Badnjević

Signed by: Almir Badnjević

дигитално потписано / digitalno potpisano / digitally signed